



Skýrsla um samráð

Efni samráðs

Grænbók um net- og upplýsingaöryggi, mál nr. 102/2021 í Samráðsgátt

Samráð hófst

23. apríl 2021

Samráði lauk

07. maí 2021

Fjöldi umsagna

3

Umsagnaraðilar

Alls bárust 3 umsagnir frá eftirtöldum aðilum: Samtökum fjármálafyrirtækja, Sambandi íslenskra sveitarfélaga og Grími Kjartanssyni.

Samantekt um umsagnir og viðbrögð

Samgöngu- og sveitarstjórnarráðuneytið þakkar umsagnaraðilum fyrir þeirra innlegg í tengslum við grænbók um net- og upplýsingaöryggi.

Umsagnaraðilar virðast allir sáttir við efni grænbókar og einn þeirra fagnar sérstaklega metnaðarfullri áherslu stjórnvalda á netöryggismál. Ábendingar sem fram komu snúa frekar að því sem huga beri að í framtíðinni, ekki síst þeim aðgerðum sem verða mótaðar á grunni netöryggisstefnunnar.

Þær umsagnir sem bárust kalla því ekki á endurskoðun texta grænbókarinnar, en við mótun endanlegrar stefnu og þeirra aðgerðaáætlana sem á henni byggja verður tekið mið af þessum umsögnum.

Samantekt um einstakar umsagnir

Umsagnir grænbókar (mál nr. 102/2021¹) og hvítbókar (mál nr. 148/2021²) má lesa í heild sinni í Samráðsgátt.

Samtök fjármálafyrirtækja

Samtök fjármálafyrirtækja (SFF) fagna metnaðarfullri áherslu stjórnvalda á netöryggismál og taka undir nauðsyn þess að bæta þau hérlandis, vísað er þar m.a. til úttekta Alþjóða-

¹ Sjá [https://samradsgatt.island.is/oll-mal/\\$Cases/Details/?id=2971](https://samradsgatt.island.is/oll-mal/$Cases/Details/?id=2971)

² Sjá [https://samradsgatt.island.is/oll-mal/\\$Cases/Details/?id=3017](https://samradsgatt.island.is/oll-mal/$Cases/Details/?id=3017)

fjarskiptasambandsins frá 2018 á stöðu netöryggis, staða Íslands þar hafi ekki verið viðunandi. Bent er á nauðsyn skýrrar hlutverkaskiptingar og öflugrar samhæfingar. Sérstök áhersla er lögð á nauðsyn þess að hlutverk CERT-IS (Netöryggissveitarinnar) sé vel skilgreint, t.d. er varðar hlutverk og valdheimildir. Fagnað er áhuga hjá CERT-IS á auknu samstarfi. SFF leggja áherslu á að hér sé um kvikan málaflokk að ræða þar sem einnig þurfi að tryggja skjót og örugg viðbrögð við ógnum.

- Ábendingar SFF falla vel að þeirri áherslu sem hefur verið lögð á eflingu CERT-IS og eru hvatning til að halda áfram á þeirri braut, í góðu samstarfi við þjónustuhóp sveitarinnar.

Samband íslenskra sveitarfélaga

Í umsögn Sambands íslenskra sveitarfélaga er tekið undir þau atriði grænbókar er fjalla um mikilvægi öflugs samstarfs stjórnvalda, atvinnulífs og annarra hagaðila þegar kemur að net- og upplýsingaöryggi. Grænbókin er sögð gott innlegg í upphaf slíks samráðs, en sambandið telji mikilvægt að það fái beina aðkomu að mótun aðgerða fyrir hvítbók um net- og upplýsingaöryggi, sérstaklega aðgerðum er snúa að vernd barna.

- Ábendingar Sambands íslenskra sveitarfélaga styðja markmið grænbókarinnar, sérstaklega þá áherslu sem þar er lögð á samstarf og vernd barna. Í hvítbókinni eru drög að stefnu þróuð frekar, mótun aðgerðaáætlana mun fara fram síðar. Þá verður tekið mið af ábendingum sambandsins um aðkomu sveitarfélaga að því starfi, sérstaklega er varðar vernd barna.

Grímur Kjartansson

Grímur Kjartansson bendir á að mikilvægir innviðir ættu að vera innan stjórnkerfis öryggiskerfis vottuðu samkvæmt ISO 27001 og sem er undir daglegri stjórn viðeigandi stjórnanda. Jafnframt hvetur hann til þess að kostir stuttra boðleiða hérlandis séu nýttir og skilvirkni aukin með því að mynda lokaðan samstarfshóp þeirra sem sjá um daglegan rekstur stjórnkerfa upplýsingaöryggis.

- Ábendingar Gríms snúa ekki að netöryggisstefnunni sem slíkri, en munu hins vegar koma að góðu gagni við mótun aðgerða netöryggisstefnu.

Að loknu samráði

Eftir gerð grænbókar hefst vinna við drög að stefnu í hvítbók. Á grunni hennar verða síðan mótaðar aðgerðaáætlanir undir forystu samgöngu- og sveitarstjórnarráðuneytis. Hvert ráðuneyti útfærir áætlun um aðgerðir á sínu ábyrgðarsviði, en samgöngu- og sveitarstjórnarráðuneytið sér um samhæfingu vinnunnar á vettvangi Netöryggisráðs.